


# COMUNU DE SÌNNIA

STATUTU  
DE SA SCOLA TZÌVICA DE  
MÙSICA  
“GIUSEPPE VERDI”



## Sumàriu

COMUNU.....	1
SCOLA TZÌVICA DE MÙSICA "G.VERDI" - SÌNNIA.....	4
STATUTU.....	4
PREFATZIONI.....	4
TÌTULU I - CONFIGURATZIONI GIURÌDICA - TAREAS - PARTECIPATZIONI E MESUS.....	5
Art. 1) - Configuratzioni giuridica.....	5
Art. 2) - Partecipatzioni.....	5
Art. 3) - Tareas.....	5
Art. 4) - Amitidura a sa Scola.....	6
Art. 5) - Mesus finantziàrius e de asienda.....	6
TÌTULU II ÒRGANUS DE SA SCOLA E SU FUNTZIONAMENTU INSORU.....	8
Art. 6) - Organizatzioni e gestioni de sa scola.....	8
Art. 7) - Òrganus de sa Scola.....	9
Art. 8) - Su Diretori Artìsticu.....	9
Art. 9) - Cumpositzioni e tempus de sigidura de su Cunsillu Scolàsticu.....	10
Art. 10) - Cumpetèntzias de su Cunsillu Scolàsticu.....	10
Art. 11) - Cullègiu de is Imparadoris-Cullabordadoris.....	11
Art. 12) - Acorrada de is Babus e Mamas e de is Scientis.....	11
Art. 13) - Disposiduras transidòrias e finalis.....	12

# SCOLA TZÌVICA DE MÙSICA "G.VERDI" - SÌNNIA STATUTU

## PREFATZIONI

S'istituzioni de sa Scola Tzìvica de Mùsica de Sìnnia, tzerriada "Giuseppe Verdi", acontessit in s'annu 1998 po parti de is Comunas de Sìnnia, Sètimu e Maracalagonis, cumenti documentau de is deliberatzionis de is Cunsillus Comunalis cosa insoru n. 15 de su 25 de martzu, n. 23 de su 2 de abrili e n. 24 de su 30 de martzu de cussu annu e totu. Su cumintzu suu est stètiu possìbili gràtzias a sa disponibilitadi de s'Assòtziu Musicali - Banda Comunali "G. Verdi" chi at agiudau cun s'organizazioni sua e cun is risorsas umanas e strumentalis cosa sua a sa cumpridura de s'iniziativa e de su 1999 ndi coidat s'apariciadura in afilladura po parti de su Comunu de Sìnnia.

Est nàscia po torrai sceda a is apretus mannos de imparamentu musicali amostaus de is tzitadinus e de is organizazioni musicalis spontziadas insoru, prus chi totu de genia de banda, sempri presenti in su sìtiu locali, puru po aciapai totus is oportunitadis noas ocasionadas de s'intrada in vigori de sa L.R. 15 de mes'e ladàmini 1997 n. 28.

De sa istituzione sua e finsas a imoi, puru apustis de sa partecipazioni de su Comunu de Partiolla acontèssia in su 2007, sa Scola Tzìvica de Mùsica "Giuseppe Verdi" est crèscia a bellu a bellu benendi a èssiri unu puntu de riferimentu frimu e chi no si podit arremprai po sa formazioni musicali e po sa promovidura culturali de su territòriu, cumenti amostau de sa arricidura sempri prus manna de scientis chi benint puru de is biddas chi no fiant imbordigadas, ma chi faint parti de s'àrea manna casteddaia e de s'importu de is manifestadas culturalis promòvias o aundi nc'at pigau parti. Custa tarea s'est lòm pia gràtzias a su livellu mannu de su servìtziu ofèrridu e a una "vision" ispirada e prena de sa passioni e de s'amori po sa mùsica de cussus chi traballant po sa Scola e in sa Scola, de is scientis e de is responsàbilis de is Aministratzionis Comunalis imbordigadas.

Oindii sa Scola Tzìvica de Mùsica "Giuseppe Verdi" de Sìnnia rapresentat una beridadi de primori in su sìtiu de s'imparamentu musicali in su panorama regionali, bonu po fai lompi a is scientis arrennèscida e arreconnoscimentus in medas cuncursus e rassignas musicalis de importu natzionali e internatzionali.

Castiendi su caminu de su cuntestu normativu de riferimentu e de sa realidadi culturali locali specifìca, chi sa Scola Tzìvica de Mùsica "Giuseppe Verdi" rapresentat una risorsa strategica crescendi sempri de prus, si fait netzessàriu torrai a apariciari is tareas e is allegas de gestioni de sa strutura atruessu de sa cumpridura de custu Statutu e de su Regulamentu Generali imbordigau.

# **TÌTULU I - CONFIGURATZIONI GIURÌDICA - TAREAS - PARTECIPATZIONI E MESUS**

## **Art. 1) - Configuratzioni giurìdica**

1. Sa Scola Tzìvica de Mùsica, dedicada a “Giuseppe Verdi”, est una strutura culturali permanenti de imparamentu musicali, chene tareas de godàngius, oberta a sa partecipatzioni e a su servìtziu de sa comunidadi de is Comunas de Sìnnia, Sètimu, Maracalagonis e Partiolla, a is comunus chi apustis nci ant a bolli pigai parti e a atras eventualis cullaboratzionis interistitutzionali cun Istituzionis scolàsticas pùblicas.

2. Po boluntadi de is Aministratzionis imbordigadas, s’imparamentu musicali, cumentì bessiu de is atividadis prevalentis e alliongiadas de sa Scola Tzìvica de Mùsica, est calificada cumentì servìtziu pùblicu locali chene importu econòmicu sighendi sa normativa comunitària vigenti, natzionali e regionali.

3. Sa Scola tenit sa sedi sua in su Comunu de Sìnnia, chi bandat a fruniri aposentus bonus po sa cumpridura de is atividadis promòvias de cussa.

## **Art. 2) - Partecipatzioni**

1. Su Comunu de Sìnnia, cumentì promovidori e fundadori, depit fai is tareas de Comunu Cabufila e Enti Titolari.

2. Is Comunas imbordigaus a sa gestioni alliongiada de custu servìtziu pùblicu locali numenau nci podint pigai parti aparicendi una conventzioni apòsita, cunforma a s’art. 30 de su Testu Ùnicu Entis Localis (T.U.E.L.) aprovau cun D.Lgs. 18 de austu 2000 n. 267 e mudàntzias e integratzionis sighidoras.

3. Sa conventzioni intre is Comunas scioberrat, in prus de is tareas prevìdias de custu Statutu, su tempus, is maneras de càstiu de is Entis contraentis, is relatas finantziàrias insorus e is cumandus e is garantzias a pari a pari.

## **Art. 3) - Tareas**

1. Sa Scola tenit sa tarea de spratzinai, in is Comunidadis localis, s’istrutzioni musicali cumentì elementu de primori po sa crescidura culturali, sotziali e intelletuali de is picocus e po s’afortiamentu de is esperièntzias fatas de is Assòtzius chi traballant in su territòriu. In manera particolari sa Scola at a tenni sa tarea de:

- a) spratzinai, imbordighendi a s’ofèrrida imparadora de is atras Istituzionis scolàsticas chi ddoi funt in su territòriu, sa cultura musicali;
- b) offerri unu imparamentu musicali bonu po sa cumpridura de una apariciadura fata in medas livellus differentis, profetosu po sa fichidura in is trumas musicalis e

coralis chi traballant in su territòriu o chi si iant a depi apariciai apustis, e bonu puru a favoressi sa sighidura de is stùdius, me is livellus prus mannus, puru me is Conservatòrius musicalis o Istitutus parificaus

- c) prebènniri e cumbati acontèssius de strobis e emarginatzioni e de favoressi caminus de integratzionis
- d) offerri a is scientis cosa sua e a su corpus imparadori sa partecipazioni a cursus de adelantamentu, a cuncursus de esecuzioni e/o cuncàmbius culturalis in Itàlia e in su Straneri;
- e) afortiai e calificai de prus is trumas musicalis e coralis amostaus de is Assòtzius localis;
- f) promovì e apariciai manifestadas musicalis, spetàculus, cunvegnus, seminàrius e stages formativus.

2. Sa scola si ponit sa tarea de offerri unu servìtziu frimu programau sighendi sa dimanda de imparamentu musicali chi benit de manera particulari de su mundu de picocus e de is assòtzius culturalis, profetosu po assegurai caminus imparadoris sistemàticus e calificaus cun sa manera de sa frimesa didàtica.

3. Is servìtzius de sa Scola funt prus chi totu pensaus po sa genti bividora me is Comunas alliongiaus e a is scientis de is scolas pùblicas chi pigant parti a iniziativa de collaborazioni interistituzionalis de cussus Entis.

#### **Art. 4) - Amitidura a sa Scola**

1. Is maneras de amitidura e de dimitidura de is scientis, cumentì puru is maneras de funtzionamentu de is servìtzius scolàsticus funt cuncordadas de su regulamentu generali de sa Scola aprovau de is òrganus istituzionalis de is Comunas assotziaus.

#### **Art. 5) - Mesus finantziàrius e de asienda**

1. Sa Scola benit frunia de mesus e personali bonu po su funtzionamentu suu, cumentì puru de alàscias e trastus didàticus e musicalis, imbordighendi nci custas risorsas:

- a) is finantziamentus de sa Regioni Autònoma de Sardìnnia a is Comunas cunforma a sa L.R. 15.10.1997 n. 28;
- b) a su tanti de partecipazioni de is Comunas assotziaus, puru in sa manera de agiudu a is famìllias apitzus de is gastus tentus po s'intrada a is cursus e po sa afitianadura;
- c) atrus agiudus eventualis e partecipazioni de Entis Pùblicas o privaus, de apoderamentu de s'atividadì de sa scola o po servìtzius donaus de cussa e totu;
- d) su tanti de iscrizioni e de afitianadura donaus de is scientis.

2. Su Comunu de Sìnnia est su meri de s'asienda posta a disposidura de sa Scola, est a nai de totus is cosas mòbilis imbentariàbilis chi funt e chi ant a intrai a fai parti de sa dotazioni strumentali de cussa e totu.

3. Su Regulamentu Generali de sa Scola podit apariciai, sceti po tempus piticus e cuncordendi·dda beni, s'entrega in comodau de impreu de trastus musicalis o atru materiali a is Assòtzius chi ddus pedessint po sa cumpridura de iniziativas de balori sotziali e culturali mannu.

## TÌTULU II ÒRGANUS DE SA SCOLA E SU FUNTZIONAMENTU INSORU

### Art. 6) - Organizazioni e gestioni de sa scola

1. Su Comunu de Sìnnia cumprìt is funtzionis e is tareas chi ddi tocant cunforma a is leis, a su Statutu e a is Regulamentus Comunalis e de sa cunventzioni intre is entis assotziaus, pòmpiat sa responsabilidadi de su scrucullu gestionali, amministrativu e de asienda po cussu chi pertocat a is benis tentus o afillaus a sa Scola Tzìvica de Mùsica.

2. Po s'impreu de is cumpetèntzias de su comma de innantis su Comunu de Sìnnia scioberat e nòmìnat a su Responsàbili de sa Scola Tzìvica de Mùsica me is relatas cun s'Aministratzioni Regionali.

3. Po sa lòmpidada de is tareas de custu Statutu, sa Scola est gestia e apariciadain sa manera indereta s'ghendi sa normativa regionali vigenti chi pertocat a is servìtzius pùblicos localis chene importu econòmicu, s'ghendi sa cunventzioni apòsita o unu cuntratu de servìtziu, cun sa partecipazioni de Istituzionis Pùblicas o privadas o de Assòtzius, chi no tenint tareas de godàngius, chi traballant cun esperièntzia de medas annus in su setori de s'imparamentu musicali.

4. Su Cuntratu de Servìtziu o sa Cunventzioni de su comma 3 de innantis, acrarat, intre is atras cosas, is indiritzus e is maneras de càstiu chi tocant a su Comunu Cabufila, sa s'ghidura in su tempus de s'affilladura, is livellus de calidadi de sa spratzidura e de professionalidadi de su corpus imparadori, de su diretori artìsticu e de is cullaboradoris amministrativus. In manera particolari su cuntratu de servìtziu o sa cunventzioni cuncordat is cumandus de servìtziu de su sugetu gestori intre custus:

- a) s'atividadi de programatzioni annuali de s'atividadi de sa Scola asseguendi s'echilìbriu econòmicu-finanziàriu de sa gestioni;
- b) su coidu e sa responsabilidadi de is stremus tènnicus-amministrativas arrechèdias po sa cumpridura de is atividadis de sa Scola.
- c) su funtzionamentu regulari de is òrganus de sa Scola;
- d) sa apariciadura de sa relata annuali apitzus de su rendicontu consuntivu de sa gestioni de imbiai a is òrganus istituzionalis de is Comunus assotziaus;
- e) sa cullaborazioni a sa apariciadura de is caminus de programatzioni didàtica, chi si depit cunformai s'atividadi de is maistus, s'ghendi una propònnida documentada de su Diretori de sa Scola;
- f) sa programatzioni e sa gestioni de is iniziative culturalis e de is sàgius musicalis, s'ghendi una propònnida de su Diretori de sa Scola;
- g) sa coberàntzia de is tantis de afitianadura e de iscrizioni de is scientis s'ghendi is tarifas cuncordadas dònna annu de is Amministratzionis Comunalis;
- h) sa apariciadura e sa publicatzioni de is bandus de scioberu po sa nòmìna de is imparadoris-cullaboradoris me is acontèssius de obèrrida de cursus nous o po serradas eventualis de relatas de cullaborazioni;

- i) sa arricidura de sa carta de is servìtzius, sighendi su regulamentu generali aprovau de is òrganus istituzionalis de is Comunas assotziaus;

## **Art. 7) - Òrganus de sa Scola**

1. Pompiendi frimas is prerogativas e is tareas entregadas de sa lei, de su Statutu e de is Regulamentus Comunalis chi tocant a su Comunu de Sìnnia cumentu titulari de sa funtzioni e de su servìtziu, cumentu puru de is tareas gestionalis e apariciadoris de su sugetu gestori cunforma a s'art. 6 de innantis, funt òrganus de sa Scola:

- a) Su Diretori Artìsticu;
- b) Su Cunsillu Scolàsticu;
- c) Su Cullègiu de is Imparadoris-Cullaboradoris;
- d) S'Acorrada de is Babus e Mamas e de is Scientis.

2. Is òrganus numenaus traballant e si acorrant me is aposentus sedi de sa Scola.

3. Is funtzionis cumprias de is medas cumponentis de su Cunsillu Scolàsticu e de s'Acorrada de is Babus e Mamas e de is Scientis e sa partecipazioni cosa insoru a is òrganus funt boluntàrias e a indonu.

## **Art. 8) - Su Diretori Artìsticu**

Su Diretori Artìsticu de sa Scola est su Responsàbili de s'organizazioni, de sa didàtica e de su caminu de sa Scola, cumentu puru de sa apariciadura artìstica de is manifestadas de spetàculu e sàgius musicalis in programa sighendi cussu prevìdiu de su Regulamentu Generali de sa Scola.

Su Diretori est numenau de su sugetu gestori numenau in s'art. 6 innoi asuba chi, pighendi parti a s'organizazioni e gestioni de sa Scola, si pigat is dèpiris alliongiaus. Su sugetu gestori fait sa nòmina sighendi is tìtulus acadèmicus, de requisitus professionalis documentaus, e de su curriculum artìsticu.

Su Diretori tzèrriat e presiedit, aforas de is oràrius de is letzionis, su Cullègiu de is Imparadoris, ndi ghiat su traballu de programazioni didàtica e incurat sa trasmitidura de is deliberaus a su Sugetu Gestori e a su Responsàbili de sa Scola Tzìvica cumentu in s'art. 6 de custu Statutu.

Su Diretori apariciat dònna annu sa relata cosa sua apitzus de is arresultaus de s'atividadi didàtica e artìstica de sa Scola, chi imbiat a su sugetu gestori cumentu in su art.6 de innantis aintru de su 15 de cabudanni de dònna annu po èssiri alliongiada a sa Relata finali apitzus de su caminu de sa Scola de amostai po s'aprovazioni a su Comunu de Sìnnia.



## **Art. 9) - Cumpositzioni e tempus de sghidura de su Cunsillu Scolàsticu**

Su sugetu gestori numenau in s'art. 6 innoi asuba, depit assegurai sa costitutzioni e su funtzionamentu de su Cunsillu Scolàsticu, cun sa tarea de sa cumpartzidura prus manna de is scioberus apariciadoris e gestionali de cumpriri, furmau de:

- a) duus rapresentantis de su sugetu gestori;
- b) unu rapresentanti de donniunu de is Comunus assotziaus;
- c) su Diretori Artìsticu;
- d) unu rapresentanti de su cullègiu de is imparadoris;
- e) duus rapresentantis de is studiantis elìgius cun votatzioni cuada amanniada a totus is scientis amìtius a is cursus;
- f) duus rapresentantis de is babus e mamas de is scientis elìgius de issus e totu cun votu cuau;

No podint fai parti de su Cunsillu Scolàsticu de sa Scola is Sìndigus e is Assessoris de si Comunus assotziaus.

Su Cunsillu Scolàsticu aturat in càrriga po cuàturu annus. In acontèssiu de decadèssida, dimitiduras o morti de unu cumponenti, s'arremprasadori aturat in càrriga su pròpiu tanti de cantu iat a èssiri aturau su cumponenti arremprasau.

Is cumponentis chi chene una arresoni bona no pigant parti a tres setziadas sighias, perdint sa càrriga.

Sa decadèssida est pronunziada de su Cunsillu Scolàsticu e totu chi ndi donat comunicatzioni dereta a s'Enti o a s'Òrganu chi at fatu sa nòmina.

## **Art. 10) - Cumpetènzias de su Cunsillu Scolàsticu**

Su Cunsillu Scolàsticu de sa Scola est òrganu de garantia de sa Scola. In su sìtiu de is caminus programaticus cumandaus de su Comunu cabufila, cumentis amostaus de is Aministratzionis de is Comunus assotziaus me is trèminis de is disponibìlidadis de is risorsas finanziàrias, donat unu parri arrexonau apitzus de is tareas e is programas de cumpriri propònnius de su sugetu gestori numenau in s'art. 6 de innantis.

Su Cunsillu Scolàsticu averìguat sa cumpridura de is arresultaus de s'atividadi gestionali de sa Scola po sa programatzioni, apustis de s'anàlisi de sa relata annuali apòsita apariciada de su gestori de sa scola, amostendi is arresultaus a is Aministratzionis de is Comunus assotziaus.

Su Regulamentu Generali cuncordat is maneras de funtzionamentu de su Cunsillu Scolàsticu.

## **Art. 11) - Cullègiu de is Imparadoris-Cullaboradoris**

Su Cullègiu de is Imparadoris-Cullaboradoris est furmau de totus is cullaboradoris a s'imparamentu de sa Scola e est presidiau de su Diretori de sa Scola.

Su Cullègiu de is Imparadoris-Cullaboradoris eligit a intru suu, a majoria, unu Vice diretori e unu Segretàriu de s'Acorrada.

Su Vicediretori arremprasat in dònna cosa a su Diretori si custu est ausenti o no podit traballai.

Su Cullègiu de is Imparadoris-Cullaboradoris:

- a) delibèrat sa propònnida de apariciadura de aintru e apitzus de sa didàtica de sa Scola de amostai a su sugetu gestori de s'art. 6 innoi asuba, e apariciat is critèrius po sa cuncordada de is classis, su scioberu de is imparadoris po dònna cursu, s'articolazioni de su oràriu de is letzionis;
- b) delibèrat su calendàriu scolàsticu cunforma a cussu de sa Scola Pùblica e, cun sa tarea de sa valutazioni mesana de is scientis, cuncordat sa spratzidura de s'annu scolàsticu in trimestris o cuatrimestris;
- c) programat su traballu educadori e imparadori cunforma a is tareas cuncordadas e in su s'itìu de is caminus impreaus de su Comunu Cabufila;
- d) cunformat, arrespetendi sa tarea de sa libertadi de imparamentu, is programas de is imparamentus donaus a is apretus specifìcus de sa realidadi culturali locali;
- e) cuncordat su calendàriu de is proas de esàmini po sa amitidura a is cursus e de is esàminis finalis, cumentu puru sa apariciadura de is Cumissioni imbordigadas.

## **Art. 12) - Acorrada de is Babus e Mamas e de is Scientis**

S'Acorrada de is Babus e Mamas e de is Scientis si amostat cumentu logu de partecipazioni democràtica po s'aprofundimentu de is strobis de sa Scola cun sa tarea de sa formatzioni musicali e artìstica e de s'apariciadura de is acontèssius culturalis programaus de custa.

S'Acorrada si acorrat a su mancu una borta a s'annu, in setziada costumada po fai s'elezioni cun proceduras scongiuntadas de is rapresentantis de is Babus e Mamas e de is Scientis in su Cunsillu Scolàstiu, cumentu prevèdiu in su regulamentu internu de sa Scola.

S'acorrà in setziada straordinaria de s'Acorrada podit èssiri pedia a su Diretori Artìsticu, chi dda autorizat, sighendi unu òrdini de sa dii specifìcu firmau a su mancu de su 10% de dònnauna de is duas cumponentis.

Is traballus de s'Acorrada funt verbalizaus de manera regulari. Casumai is traballus acabessint cun s'aprovazioni de unu Òrdini de sa Dii chi tènghiat istantzas po is atrus Òrganus de sa scola su documentu at a èssiri entregau a su Diretori Artisticu chi dd'at a spratzinai.

### **Art. 13) - Disposiduras transidòrias e finalis**

Custu Statutu est aprovau e intrat in vigori apustis de s'aprovazioni po parti de is Cunsillus Comunalis de is Comunas alliongiaus po sa gestioni de su Servìtziu de sa Scola Tzìvica Musicali intercomunali.

Integrat e cumprit is disposiduras de custu statutu su Regulamentu generali de sa Scola.

Custu Statutu arremprasat po intreu cussu chi fiat stètiu aprovau ainnantis.